



UNIVERSITÄTS-
BIBLIOTHEK
PADERBORN

Regvlæ Societatis Iesv

Angeli, Bernardo d'

Romæ, 1616

Regulæ Ministri.

[urn:nbn:de:hbz:466:1-68329](https://nbn-resolving.org/urn:nbn:de:hbz:466:1-68329)



REGVLAE

MINISTRI.

P.4.c.10 §.7. I
Eius officium
quale.



Ius officium erit, Præpositum, vel Rectorem iuuare in ijs, quæ in genere, vel in particulari ei cōmendabit: nec dispensandi, aut mutandi, aut quidquam faciendi, nisi ex eiusdem præscripto, facultatē habebit.

Officialium
Regulas, etc.
legat, et obseruari curet.

2 Valde commendatum sibi existimet quod pertinet ad obseruationem Constitutionum, Regularum, Ordinum communium, & approbatarum consuetudinum Domus, vel Collegij: ideoque habeat in scriptis, & aliquādo legat, tam communes omnium, quam particulares Superioris, & officialium Regulas: & eosdem officiales suas habere, intelligere, atque obseruare curet.

Officiales, et
cubicula visitet.

3 Officiales visitet quoties opus fuerit, obseruando quomodo suū officium exequantur: quod saltem alternis diebus faciet. Frequenter etiam visitabit cubicula, & alia loca domus, vt videat, quomodo omnia se habeāt.

4 Cum

4 Cum quis ab officio aliquo amouetur, curet, vt is suum successorem instruat de ratione exercendi illud, iuxta regulas, & consuetudines à Superiore approbatas.

Successores in officijs instrui curet.

5 Animaduertat in temporum mutationibus, quomodo in Collegio vel Domo fieri debeat horarum, ciborum, vestiumque mutatio; & Superiori in memoriam reducat, præsertim bis in anno, sub initium veris, & autumni: obseruet etiam crebro, num aliquid desit ex necessarijs, aut abundet; eorumque potissimum rationem habeat, qui in corporis cura minorem de seipsis sollicitudinem gerunt; curetque, vt adsit, cum Medicus ægrotos inuiset.

Mutatio horarum, vestium, est Superiori in memoriam reuocanda.

6 Quotidie hora sibi designata, de rebus omnibus domus rationem Superiori reddat, à quo excipiet in libello ad id parato, quæ ei facienda committet: & cum primum commode poterit, eidem referat, quæ executus fuerit.

Rationem Superiori quotidie reddat.

7 Redigat Superiori in memoriam ea, quæ necessaria domui iudicabit, vt de coemendis rebus ad victum, & vestitum necessarijs suis temporibus, de fratrum nimio, aut exiguo labore, de sanitate, & similibus.

Necessaria, ei in memoriam redigat.

8 Notet, ac referat Superiori tã defectus, si quos vel Domi, aut in Collegio animaduertit, vel aliunde intellexerit, quam quæcunque alia, quæ ad bonam gubernationem conuenientia

Quæ notabit, et Superiori referet.

uenientia

uenientia ei occurrent: tum etiam circa res sibi commissas, & quasuis alias, vt quomodo se nostri habeant circa obedientiam, orationem, & in omnibus virtutibus profectum, & studium.

Obseruet an omnes communicent.

9 Curet per adituum, vel aliquem alium designatum obseruari, an omnes die statuto communicauerint. & si quis intra tempus designatum ad confessionem, aut communionem non accederet, intelligat à Superiore, num subtrahendus ei sit cibus corporis, donec cibum spiritus sumat.

P. 3. c. 1. lit. Q

Domus munda sit.

10 Peculiarem habeat curam, vt domus munda sit, & omnia vbique decenter suis locis composita; sed præcipue in ijs, quæ ab externis videri solent.

Portæ domus clausæ.

11 Noctibus singulis portas domus, quibus in publicum exitur, videat an bene clausæ sint.

Designet qui curam habeat rerum communium.

12 Designet aliquem ex commissione Superioris, qui communes lucernas domus opportuno tempore incendat, & extinguat: qui item publicas fenestras suo tempore aperiat, & claudat; ac pro abluenda facie, & manibus in loco destinato aquam infundat, & pro ijs extergendis, mantilia, ab ijs, quæ in vsum Refectorij sunt, distincta, adhibeat: quæ alia Sacerdotibus, alia non Sacerdotibus destinata erunt, & bis saltem in hebdomada mutantur.

13 Studeat animos Patrum, & Fratrum Vnionem in-
 inter se per benevolentiam, & præsertim cum ter domesti-
 Superiore per obedientiam vnire. & si quid cos curet.
 minus æquo animo aliquis ferret, velit potius
 in se (quoad fieri potest) quam in Superio-
 rem, causam reijci, veluti in iniungendis pœ-
 nitentijs, quas ipse iuxta præscriptum Supe-
 rioris imponet. & tam in eis, quam in repre-
 hensionibus, ab animi perturbatione caueat,
 caritatemque præ se ferendo studeat, vt illi
 quibus pœnitentias imponet, merito sibi in-
 iungi cognoscat.

14 Si quando absente Superiore aliquid Absente Su-
 acciderit, quod adeo vrgeat, vt commode Su- periore, quid
 perior expectari nequeat, id Minister, auditis sibi agendum
 Consultoribus, exequi poterit, quamuis in sit.
 specie non sit ipsi commissum, dummodo exi-
 stimet iuxta Superioris mentem id fore; sta-
 timque redeunti quod factum fuerit, referat.
 Quod autem sibi ordinarie agendum erit, ab-
 sente Superiore, ab eo curet intelligere.

15 Si Subministrum habuerit, vtatur eius Subministro
 opera in ijs, quæ commode per se facere non vtatur.
 poterit, iuxta præscriptum Superioris: si ve-
 ro non habuerit, alternis saltem diebus singu-
 la cubicula visitet; & alia quæ in officio Sub-
 ministri continentur, suppleat.

RE-